

天
啓
滇
志

滇志卷之二十六

藝文志第十一

卷九

右體詩

渡蘭滄歌

水經注漢武帝時通博南山道渡蘭津行者苦
之歌曰

漢德廣開不賓渡博南越蘭津渡蘭滄爲他人

爨道謠

益州記曰瀘水源出曲羅兩峯有殺氣暑月舊
不行故武侯以夏渡爲難瀘水天下合諸水而
總其目故有瀘江之名自諸提至爨道有黑水

羊官三津之阻行者苦之爲之語曰

猶溪赤水盤蛇七曲盤羊鳥攏氣與天道

述南中志

晉常璩

赤德中微巨猾干篡白虜乘釁致民塗炭爰迄靈獻
皇極不建牧后失圖英雄迭進覆車齊軌蒙此艱難
送王太守貴莊赴雲南

本朝劉球

脫彼驄兮駕五駿君之適兮南詔之即顧中土緝緩
兮憫遐方不可以遺天子有命兮付君徃釐出自都
門兮觴君子邁山川雖阻兮黎獠有待化左衽逢振
兮實維其時風條日麗兮勿緩其馳瑞麥嘉禾兮將
毓彼徽加賚增秩兮不日之詔

渡潞江嘆

山高高石齒齒細雨寒風江瀟瀟黃茅短樹啼鷓鴣
歲晚行人行不止吁嗟乎平生志願有不酬歸去來
兮吾老矣

石淙辭

有序

賈宏

石淙在滇南今太宰憲菴楊公先世所居之地也
公自滇南徙已陵丹徙丹徙其藏修之所皆痛曰
石淙以示不忘蓋石淙之勝因公而聞於縉紳形
於述作又吳不揣疎陋乃爲之辭

滇之涯白石齒齒滇之水其流瀟瀟洵素波兮東超
屹蒼崖兮中峙勢噴薄兮春撞轟風霆兮震耳忽山

盡兮川平見蘅皋兮演迤江有蘼兮汀有芷纓吾濯
兮無塵心吾澄兮如洗寫溪聲以朱絃識高深之所
志彼美人兮出於其間實鍾奇而肖異淵有龍兮則
靈鵬處海兮或從賦擬兮遠遊歌棹兮蘭拙耽君山
而沅洞庭登金焦而龍揚十賡廣樂之布聲嘗中吟
之至味偉遠人之大觀鄙凡俗之拘繫觀水兮於濶
在下兮歎逝美聖哲之如存固斯道之全體惟動靜
之相須必兼資乎仁智因所遇而變生悟爲文之妙
理登緒餘於筆端亦雄深而巨麗煨五色以補天發
膚雲而濟世乃舉世之所期繫美人之能事著精光
於浸潤去圭角於磨礪願攬結兮相從望精廬兮伊

通

三公驛

楊慎

三公驛十字路北去南來幾朝暮朝見楊楊擁蓋來
暮看寂寂回車去今古銷沉名利中短亭流水長亭
樹

寶壩謠

李元陽

寶泉壩寶泉壩壩中一尺水拱壁非其價壞時萬頃
飛塵沙完時即國饒禾稼前人創始後人修仁者作
之殘者罷鳴鳴寶泉壩

平十八寨有跋

何孟春

石不受祭蟒猶知退爾羅爾賊如何無畏石祭聲悲

嶧飛避威爾賊爾羅如何勿思羅維賊首爲惡滋大
妄大自驕羅固是負賊本羅離意廣有徙寨以爲居
峒以爲通嗚呼爾羅毒同於嶧嗚呼爾賊頑匪石狀
彼嶧改圖吾無難徂此石路隅今常儼然爾衆其伏
大地維育爾賊其縮昆蟲何跳而弗事蓄畬而弗供
征輸而專意剗剗而竟盡招禍以干吾戈鉄嗚呼爾
寨可終居乎爾峒可終遁乎

石有聲賊當滅白嶧去果羅礫庚辰年北元決於卡
當場氣何烈撫巡御史親持節旣得虎子塞虎穴汙
流改盤山失嶧正德十五年十月磨崖可碑爲誰設
此石鳴聲得昭雪都堂此辭刻石勒垂誓將來柱母

折黑羅宗子頭已截羅黨再來羅種絕

是寨在已盤間爲盜藪累歲不平每議勦之竟未
訖功正德庚辰大中丞燕泉何公稽故牘采衆論
迺爲是役兵旣集有曰蟒飛自寨中出止嵒峨
縣人甚異之又有怪石賊每聞加兵則祭以徼福
茲祭之忽作聲賊之其必殪相率號哭識者謂是
役適當天人之會已而羣醜就戮千里廓清公之
功可謂雄偉已公親蒞戎嘗賊是詩紀其實郡官
得之鑱諸石蓋欲與此山相爲悠遠云公名孟春
字子元郴州人世稱爲燕泉先生是歲十二月脞
雲南按察使武陵陳洪謨跋

歌行

天威行

唐顧雲

巒嶺高巖海闊去舸迴艘投此歇一俟舟人得夢問
草草相呼一時發颶風怒起雲顛狂波濤擺掣魚龍
殭海神怕急上岸走山靈股慄八石藏金地飛伏霍
閃過白日倒掛銀繩長車轉轟礪礪雷車轉霹靂一聲
天地戰風走雲開始望看萬里有天才四片車遙遙
馬闐闐平如砥真如弦雲角八國萬部落皆知此路
來朝天耿恭拜出井底水廣利刺開山上泉若論終
古濟物意二將之功皆小焉

滇池赤藤杖歌

韓愈

赤藤島林世末窺臺卽始携自滇池滇王掃宮避使
者跪進再拜語盟咄絕橋挂冠免傾墮性命造次蒙
扶持金經百國皆莫識君臣聚觀逸旌麾共傳滇神
出水獻赤龍拔鬚血淋漓又云羲和操火鞭暝到西
極睡所遺幾重包裹自題署不以珍怪誇荒楚歸來
奉贈同舍子浮光照手欲把疑空堂盡眼倚牖戶飛
電著壁搜蛟螭南宮清深禁閑密唱和有類吹埙篪
妍辭麗句不可繼見寄聊且過分司

灰青馬行

立雄山頭百畝院雲霧四時常晦冥西南羅鬼產至
駿於焉所得尤神靈房星下燭中延澤水底光芒飛

霹靂名駒墮地忽長鳴萬馬凡羣俱辟易蒼精之胎
真渥洼真宰遣畀黔寧家真波濤盡見孤影迴然
段青蘆華雙瞳炯炯紫燄起蘭筋權奇日千里如此
趨騰歆玉兔無乃前身郭獅子重銜交轡相繫維欲
洗不敢臨深池每恐高驂爾雲去天地闊遠難追隨
奚奴小控青絲勒貌向霜縑倍秋色何人巧繼曹將
軍赤城有客盧歆在此馬貢之歸至尊天閑內廐承
君恩玉良執鞭可當御錦韉立伏黃金門空餘骨相
藏侯府老眼摩娑欣一覩他日增傳九馬圖並駕齊
驅耀千古

鎮南世節行馬黔國公賦

黔公坐鎮封內清黔公卧治封外平碧雞金馬作門
戟傷有滇池供洗兵黃牛平把寶刀換春山來勸諸
夷畊諸夷愛戴非一日子孫士孫知生成雕題花脚
最難服今日推公無私明憶昔先公過

高帝軒轅龍懷天不驚印如金斗酬百代帶誓黃河
申載盟桓桓祖武看公繩天南別隱一長城金湯雖
固尚在法恩信相乎何待征古稱僕射如弟兄軍中
笑歌驪肉生國公自進瑪瑙觥醉後還賽出塞行

寶井篇

彩石光珠徙古重窈窕繁華急玩弄豈知兩片弱雲
鬟戴却九夷重譯貢寶井會聞道路餘蛇風壓雨極

天涯馳傳千羣隨票鷄披圖萬里逐輕車君不見永
昌城南寶井路七里亭前碗水脯情知死別少生還
妻子爺娘泣相訴川長不聞遙哭聲但見黃沙起金
霧潞江八彎瘴氣多黃草壩連猛虎坡徧茅相野井
芝寨崩磧浮沙棗轉河說有南牙山更惡秃頭漆齒
號蠻莫光搖憂燈與孟連啞瘴須臾無救藥莫勒江
傍多地羊隊隊行行入帳房紅藤纏足詔法女金葉
填牙縮句玉回首滇雲已萬里寶井前瞻猶望洋紫
刺硬紅千鎰價真贗入眼無高下得寶歸來似更生
吊影驚魂夢猶怕吾聞崑崙之山玉拂鵲慶雲之地
金擲龜安得仙人縮地法寶井移在長安街

觀大理武安王畫壁歌

前人

壽亭侯廟蒼山旁，金生畫壁真檀場。只今一百五十載，火旗雲馬神揚揚。古來好手吾能說，開元之中三昧絕。左衛將軍李思訓，右丞才子王摩詰。金生動筆思王李，右法不廢今罕比。何時放遣來滇水，尋奇亦過蒼山址。乘興歛然掃秦壁，蛟龍起舞長風起。千年戰功猶昨日，蜨英英姿烟不死。想見解衣槃礴時，寂寞後代覓心知。蛛絲蟲網日凋壞，賞者何人護者誰。翻嗟古來才士盡沒亦何限，感慨爲爾擊節生遙悲。

惡氛行

金碧山前惡氛起，虜馬來飲滇池水。城西放火銀漢

紅炎燎塵頭高十里兩重日暈圍白虹萬家仰首呼
倉穹相顧慘然無顏色嗚呼寄命須臾中賊徒渾幾
箇枕戈臨水卧我軍屯北門分明不敢過上箇脅盟
來索官城上無言騎堞看父老含忙雙涕泗細說去
冬尋甸事絃急柱促柄倒持首禍今朝竟何自堂堂
之陣誰主矣嗚嗚公等皆儒生賊來不肯令出哨賊
去但解擡空營豈無雄武士奮身思一決咫尺轅門
不肯前怒髮衝冠氣填咽况聞千金逐日費連月公
儲已傾竭土兵抄掠盡村園升天無梯地無穴點餽
閭閻踰百年太平官府真神仙紫微迢迢華蓋遠虛
將歎升威窮邊邊隅一旦紛解瓦暗嗚變作擎拳者

暗鳴擊拳兩柰何
君不見建武年中任校尉
又不見開元年中張乾陀

海風行 有序

下關臨洱海
點蒼山之衝
有石梁曰天橋
口歲恒風烈
偃樹走石人
馬辟易予久
憩客郵聞吼聲傍枕發
响尤雄明適過之
纖蘿不動乃賦以志云

蒼山峽束蒼江口
天梁中貫晴雷吼
中有不斷之長風
衝波動林沙石走
只尺顛崖迴不分
征馬長嘶客低首
我行其野歲仲春
春寒野陰雲物屯
病骨凌兢坐自墮
欲去未到先愁人
山靈相假若有神
纖蘿不動停颼塵
鳴鳥聲樂旅顏破
僕夫笑語罷負伸
翻思

往昔蘭臺直披襟會奮雌雄筆金門玉堂遠別來景
差唐勒長相憶飄蓬落羽向南荒惟悴榮華寧有常
不學回風悲屈子江邊愁結芙蓉裳

臨安春社行

臨安二月天氣暄滿城靚粧春服妍花簇旗亭錦園
巷佛遊人嬉車馬闌少年社火燃燈寺埽材角妙紛
紛至公孫舞劍駭張筵宜僚弄丸驚楚市楊柳藏鴉
白門晚梅梁栖燕紅樓遠青山白日感羈遊翠暈清
樽詎消遣宛洛風光似夢中故園兄弟復西東醉歌
茗芋月中去請君莫唱思悲翁

直力橋垂柳篇

前人

楚雄直力橋有垂柳一株婉約可愛往來過之

賦此志感

靈和殿前艷陽時忘愛館裡先風吹千門萬戶旌旗
色九陌三條雨露姿蒼涼苑日籠燕甸縹緲宮雲覆
京華芳樹重靈輿院迷飄花點點臨池見臨池歸院
總仙曹應制分題競彩毫詔乘西第將軍馬詩奪東
方學士袍金明綠暗留烟霧舊燕新鶯換朝暮只知
眉黛爲君顰肯信腰肢有人妬從此沉淪萬里身可
堪憔悴四經春支離散木甘時棄攀折荒亭委路塵
搖落秋風上林遠婆婆生意華年晚腸斷關山明月
樓一聲橫笛清霜坂

臥月引

前人

昆明池上金鞍郎青雲爲衣白霓裳手持寶月金仙
傷口誦明星玉女章自言五華峯上往夢遊方丈瀛
洲路馭風學霧雨無心惟愛月華蘿海樹少年名姓
懸月中老去猶充脩月戶采家仙人各無忌持斧吳
剛作仙使下界愛月升高丘步虛一聲龍白頭何如
行葦臥明月仰看銀河天倒流翳鳳驂鸞遊北斗炤
景煌煌酌天酒白兔爲脯桂作薪笑招吳宋兩仙人
老蟾踏翻醉不醒嫦娥起舞掄花春

前題

青山吐月月影流檻輝堂白枕簟秋南園佳人愛新

月月上每上昆明舟臥看北斗佇銀漢李白庾亮同
神遊清宵火苗翳燐塞黃昏採芳鸚鵡洲蛟龍窟宅
龜鼉峽珊瑚作樹屋作樓斗牛宮中一回首月光照
耀金波浮周生對月月轉笑凌空累勦何足道月光
偏愛愛月人玉鹿金樽發孤嘯素表幽魄石鏡通鶴
喚鷗汀側烟棹清輝夜夜伴長庚紅顏一去白髮生
遙瞻玉兔烏紗落橫梁扣舷非我情素華散未縈文
練烏鵲驚飛江水平興豪痛飲不知量百壺倒盡還
須傾古來仙子復誰在形影寂寞空名飲中八公
甫也句萬古與月爭光明

昆明池歌

昆明池延袤數百里千山萬山直自崑崙來諸山之
水匯於此相傳其水顛倒流滇池之名此錄始左有
金馬山右有碧雞峯瀟漫浩瀚無際但見洪濤巨
浪日夕排蒼空青天忽驚白日起霹靂震撼蛟龍宮
天吳水怪九首八足不可以名狀時復出沒於其中
有時風恬浪息一碧萬頃開青銅其廣也如此胡
爲乎不在九城之內不得與五湖七澤相爭雄神禹
治水跡不到穆王八駿難爲窮漢武鑿池徒彷彿王
褒將命何匆匆唐宋以來各借據聲教不與中國通
大開景運聖人出一掃海內羣邪空五服之外更五
服俛首授命歸提封侏儻推結之類吾不知其幾千

萬種禮樂不異車書同取余生當全勝日觀風兩度
乘青驄古來多少豪傑士局于偏安之世不得一洗
瑰磊胸百年逆眼一彈指得此勝覽真奇逢振衣獨
立太華頂狂歌目斷孤飛鴻

石門山行

李元陽

石門倚天千仞青花源崖夾春冥冥芝牆瑤洞杳莫
測羽衣金節藏仙靈仙人乘鸞從此去石扇千年衣
不爲上有五城之絳闕雨暘祈報稱明馨我來窺門
入不得遙尋石磴迂遊輟須臾得到洞天上拜謁虛
皇禮列星萬丈鐵崖無尺土溜泉直落聲丁丁青冥
下視不見底白晝倏忽生雷霆綠潭翠壑有龍臥崖

房石室穿窺。龍白鵬。紫燕自嬌。好奇花。秀木何娉婷。
天生石槽。蘸碧水。盪沐靜者。談黃庭。援藟捫蘿。與木
極。五梯回首。十梯停登。高縱觀。日已久。玉筍三峯。破
天碧。白雲千頃。盡遮山。不見人間塵土迹。便當從此
訪蓬瀛。手接浮丘。醉金掖。

三石篇

大漢以西。三巨石。錯列荆榛。對孤驛。文彩天開。海嶽
圖面。而晶光盈十尺。吁。嗟此石。生點蒼云。誰置之古
路。傍停車。顧盼日將晏。僕夫語泣。數行往年。

天子新明堂。厥材萬國爭。梯航燕山之石。白勝玉。何
求此物。勞要荒。守臣當日功名亟。檄書夜飛人屏息。

握金初不計山谿男婦徵徧無漢焚鞭石難尋渤海
神鑿山誰是金牛力那許終朝八寸移積屍道上紛
如織中興

全並克卑資金帶聖德起茅茨

皇朝聖德有論天門萬里竟不知幾使黔南無爾遺君
不見歲焚右訓老臣策蒟醬雖耳亦何益三石磨研
風雨深千載行人增嘆惜

石屏歌寄王元美

碧雞西去洱水長一十九峯但點蒼巨靈笑攬芙蓉
氣叱叱天工扶混沌五色氤氲奪萬象珠巖片片皆
夫章世人往往入雲窟斷霞削玉平峯出指掌居然

海嶽圖真行不數丹青筆若有人今隔滄溟添蕩秋
波似洞庭側身東望暮烟紫何以報之錦石屏石屏
石屏產南服萬里隨君坐空谷雲母虹霓徒自高零
陽雪浪非其族有時寒壁火江濤酒酣夜半歌獨漉
若將此物比昆吾便鑄雙龍隱魚腹

寫韻樓歌

吳懋

銀峯翠閣青天上紫霞仙落標青嶂上帝揀依仙人
居碧雞金馬遙相望玉堂仙客揚夫子天與足下乘
雲履朝醉白玉京暮憩昆明水昆明點蒼復千里龍
吟虎嘯兩山裡幕府千旄北道賢杜陵新搢壓江烟
玄亭亦在芙蓉裡畫拱遙凌疊嶂前詞客頻揮五色

毫鷺箋千帙續離騷真山雨色獵秋兔溟渤長鯨驅
硯濤曲堤烟柳春愁重湖影射樓樓欲釣五華倒映
相簾秋金碧飛來挂晴棟湘簾晴棟不勝春江柳江
花寫句新百年誰識凭欄意萬里還同聽笛人憶惜
點蒼山下題詩處崑挂團團滴香露花洞空濛紫翠
房銀虹宛轉天橋路垂霧鬟鞋逐彩鷺瓊臺玉宇絳
雪寒翠羽美人拈玉琯綠玕萬樹吟旃擅旃擅樓府
香石礪鴉玉麝丸供點翰染雲天女散瑤華剪水麕
妃拂秋練秋練瑤華冷繡文墨光漬浸金線裾珊瑚
鉤下歌明月翡翠屏西牽碧雲碧雲迢迢隔溟海翠
水籃橋頻憶君君不見絳河下與玄浹通巨鰲有戴

三峯峯須臾一度八千歲靈物化作雙芙蓉芙蓉五色斷天秀中有金碧神人宮才子朱軒頻帳望仙人赤斧屢相從金蟾一去豈再得玉杵已化難重逢昂昂揚夫子甲世而出群爲空曠代斯文嘆寥廓清時太雅開鴻濛敷如清廟絙朱瑟裊如綠水吟孤桐灝如羅浮萬樹照日月淒如洞庭千里叫征鴻森如冰車雪柱千巖迴爛如錦樹珠林萬谷重茂林着作屢充棟詞不數三都工龍鸞斜斗逼賦史籀八分飛白凌蔡邕威是白鳳吐文彩點續山水增秀雄公本天人遇塵世名山今續舊遊跡不然何以朝金碧暮蒼洱白頭留滯老南中至今點蒼山下花如昨玉樹凌

風吐紅萼翠燈猶蟠紫芝壑銀涼尚挂青蓮閣明月
窺簾引春酌石藤飄飄翠縠縠山雪山雪非寂寞還
攜彩鸞駕黃鶴

送永昌周生紹稷會試歌以壯之 胡廷祿

新酒未釀舊酒無不能爲子滿眼酤聽歌一矢當百
壺昔年禽虎曾捐軀解造幾籐金僕姑今日把似君
勝予親挽強東掃倭西滅胡乾坤何事非吾徒青駭
首中烏臺選卽上春官計棄賤風霜萬里不辭寒固
短君子職作肝君不見董仲舒公孫弘兩生射策皆
第一至今人品誰第一

送方伯敬亭陳公乞歸錢塘長歌 滇池集

先生文章足經國擁帳僅歷炎荒域先生謹論足救
時寂寞不爲人所知屈指青雲三十年同時故舊半
貂蟬起家方岳非不貴羈身萬里令人憐雖然鑪鼎
非其意所至思興千載利借着曾銷跋扈魂采金議
靈窮閭涕卽今荷挿鑿山泉灌溉荒腴萬頃田家乘
蹇踰戶絃誦生今六詔無風烟斷鰲獨立溟海極鍊
石盡補西南天興來忽夢西湖色一日明馳馳上國
陳乞骸骨意已堅

廷議欲留留不得五十方強仕胡然遽請老九列在
須臾賦歸何太早山中日月不待人世路風波誰自
保達士懸車豈問年但得挂冠無不好君家住傍釣

臺高余亦思從范蠡逃拂衣且上五湖棹載酒同觀
八月濤

浦濱池集一帙龍司徒鄧施家藏抄本不著作者姓
名要之聲調酷似與七子當出徐天目先生然
亦不敢執定今祇以集名識之

和垂柳篇

滇南二月春風暖處處陰濃青不斷長條拂水雨新
晴短葉籠烟日始旦萬縷千絲遶岸齊飛花飛絮盡
橋西雲來晚藹藹章臺路月落雲迷灞灞堤章臺灞灞
風光好燕語鶯啼惜春老無奈閨人怨別離更今戍
客傷懷抱成都才子玉堂仙萬里投荒年復年馬上

逢春多感慨酒盞對景倍留連韶華倏忽不相待回首風光六十載惟有春光似昔時楚雄山下烟如黛
和山花歌

萸萸纔分日菖蒲早占春詎似栽培巧兼宜裁剪勻
此花種來不知歲要識歲功驗花蒂霜葉青青雪作
葩風前十二釵橫斜長向山中新曆紀且悲塵世駛
年華胡不移值太上家飄芳委素淪幽壑古來才士
有棄置不信且看和山花往來通者徒咨嗟

太華山歌

太華山色何所似金屏豁迤芙蓉紫秀氣橫衡十二
城碧泓下注三百里瀛水池傍一萬家家看山窻

戶裏前倚羅漢後華亭松風石徑連窈窕瓊葩翫
耀赤日虬根互據各林青丹崖紫壁奇競薦扶裏黃
金布地徧筠房葯室無不宜禪圓欲掩飛花片手攬
方竹扶坐臨危石巔西南天地何茫然白雲溶溶飛
鳥滅落日看墮金沙川蒼兮蔚兮山鬱窳春風瑤草
參差發五嶽婚嫁何時了三山波浪不可越不如此
中得佳趣乘興醉臥峯頭月碧雞之祀殊恍惚有碑
已翳青苔髮

薛闇司邀登羅漢寺歌

誰鞭太古一片石縹緲下浸昆明圻巔岬突兀古宿
尊袈裟靜染天雲碧云自鴻濛入定來日月跳波雙

眼開等閑一坐三千劫風輪石火無纖埃攜將託鉢
置天涯一滴醍醐萬頃霞浩浩驚靈演不定毒龍靜
制深無譁化城蘭若逗空見鬼斧擘雲開素練糾殿
璇宮青壁巢覺路天門爭一線俯瞰虛無只見水白
毫影映空明裏鐘聲遠激海鷗心峯陰倒幻蓮花蕊
振衣卓錫搏空起跨鶴飛來一萬里旋采松花醉紫
霞持食石竅青泥髓悟來且證酒中禪芥子須彌未
剖前無縫法門何用地到來彼岸不須船箇中消息
向誰求海月初生水倒流共君細話三生石羅漢峯
高亦點頭

妖星訝

寒夜欲曙雞聲動胸氣上寒鬼驚涌昨聞妖星夜氣
白令我心顛神色悚披衣下床跋履亂已覺有物當
窻孔閉戶烈烈風如刀舉頭向東東方推巍然天漠
挿玉標脫尾在上摩青霄恍如白刀向空擲霜綾鵲
鵲風颼颼形質微耿繞蛸魑敢作光怪橫天腰雙目
眩惑鬼爲銷恨不卽假巨靈刀怒口吹散同毫毛宛
頭挽捨間亦見邪似此妖大獷悍直撞不果獨斗牛
爭明直欲期雲漢平生未讀讖緯書不識微應竟何
如蘇東奴首近接亂摸滅寧殊庭釜魚詹尹叔服宜
代無怪裏出門送所如小臣放逐天之隅請纓無計
捐微軀滿張肉食強我生

朝廷罷礦木罷稅歲歲輦金入大內晚門借帑不得
請經畧束手司徒憤世人愛財如顛狂百姓十室九
逃亡平居但知飽妻子萬一有事誰擔當悲風長號
腸欲絕仰天睇視目皆裂閭閻九閭額難叩杞人報
枯暗流血君不見善言三發焚惑轉壯士揮戈白日
走

聖主應知改玉趨中外臣工幸相勉

五言古詩

懷贈南陵常贊府

唐李 白

歲星入漢年方朔見明主調笑當時人中天謝雲雨
一去麒麟閣遂將朝市爭故交不道門秋草日上階
當時何特達獨與我心諧置酒臨高臺歡娛未曾歇
歌勳白紵詞舞迴天門月問我心中事爲君前致辭
君看我才能不能似魯仲尼大聖猶不過小儒安足悲
雲南五月中頻喪渡瀘師毒草殺漢馬張兵奪秦旗
至今西洱河流血擁僵屍將無七擒畧魯女惜園葵
咸陽天下樞累歲人不足雖有數斗酒不如一杯粟
賴得賢宰衡持鈞慰風俗四顧無所用辭家方求歸

龍驚壯士髮淚滿逐臣衣以此不安席蹉跎身世盡
終當滅衛謫不受魯人譏

古風

前人

猶檄如流星虎符合專城喧呼救邊急群鳥皆夜鳴
白日曜紫微三公運權衡天地皆得一澹然四海清
借問此何爲答言楚徵北渡瀘及五月將赴雲南征
送李宓雲南代蠻

儲光羲

昆明濱滇池蠢爾敢違常天星耀鉞鑽昂彼西南方
永率純元戎太守燕軍行囊括千萬里矢謨在廟堂
耀耀金虎符一息到炎荒蒐兵自交趾焚舍出瀘陽
羣山高嶺岩凌越如鳥翔封豕驟跼伏巨象遙披攘

迴溪深天淵揭厲踰舟梁玄武掃狐蜮蛟龍除方良
雷靈隨神兵礪磔動穹蒼斬伐若草木繫縲同犬羊
除醜飲彌河咽獸亂行藏君子惡薄險王師恥重傷
廣車設置梁太白收光芒邊吏靜縣道新書行紀綱
劍閣掉勒歸武并朝建章龍樓加命服擗矛擁秋霜
邦人頌靈旗側聽何洋洋京觀考七德休哉我神皇
賀李宓伐蠻歸詩此詩前兩志相流豈以盛唐假重
乎然事辭不相附姑取其辭而所

之

高 適

聖人赫斯怒詔伐西南戍肅穆廟堂上沉深節制雄
遂令感激士得建非常料死不計蘇顧恩寧顧終
鼓行天海外轉戰蠻夷中梯巖近高鳥穿林經毒蟲

鬼門無歸客北戶多南風蜂蟄隔萬里雲雷隨九攻
長驅大浪破急擊群山空餉道盡已盡懸軍忽欲窮
精誠動白日噴薄連蒼穹野食掘田鼠脯殮燕焚僮
收兵列亭堠拓地彌西東臨事恥苟免履色能飭躬
將星猶照耀邊色何溟濛瀟水使可涉交州今始通
歸來長安道召見甘泉宮廉藺若未死孫吳知音同
相逢論意氣慷慨謝深衷

送袁滋持節回南詔

權德輿

西南使星去遠傲通朝聘烟雨楚道深麾幢漢儀盛
途經五尺瘡水愛雙流淨上國洽恩波外臣遵禮命
離堂駐駟馭且盡樽中聖

碧雞山

元鄭衍

中廣西南來有山勢雄奕屏開障大荒壁立數千尺
晴巒疊奇峯幽壑藏怪石清風響松濤老樹森予戟
俯瞰滇池水仰矗雲霄碧山靈得異境廟貌存古跡
君侯本世家奉詔平叛逆茲承寵光行山迎馬首憚
鎮過良有謀烟瘴似冰釋從此邊陲寧殊勲書竹帛

西蕃菁

張翥

西道出邛樊百里彌菁林俛行不見日刺木鬱蕭森
伏莽有夷獠巢枝無越禽根盤三巖險氣接西蕃深
銀山雪夏白金沙嵐晝露主恩畀良帥時平靖蠻心
風威所播洒瘴地空毒淫願言闢南徼蔽以樹棠陰

上八雲並亂後傷懷

公孫輔

驅馬雷並州南望燕海頭向來繁華地變滅如浮漚
不見向人烟但見河水流青山宛然在風景何蕭颯
邯鄲生荆棘汗萊繫田疇倏聽虎豹號盡顧鹿麋遊
羣鳥集戰壘野燐飛林丘灼灼道傍花只爲行老愁
緬思寇亂際藩垣失防秋空虛起外侮口語興戈矛
盛衰雖天運禍端亦人謀生靈爾何辜吾欲天公尤
謂潤滄武侯祠

揭傒斯

炎靈厭東都臥龍起南陽漢業入三顧蜀日宣重光
豈保山川險況在兵刀強八陣通神明二表貫穹蒼
天運有隆替吾君自震唐煌煌十萬師聲威搖八荒

犬星殞渭南萬古一悲傷但使漢賊分安有終不亡
桓桓蕭將軍雙旄出求昌下馬城南地爲公酬一觴
漢池
喬堅
漢水不可涉石戟參嵯峨胡能宅蛟龍但可藏鼉鼉
清風蕩驚湍乃爾泥滓多我欲澄其源應自崑崙阿
才謬諒靡救臨流將奈何高山紫芝曲漁父滄浪歌
斯人久不作千載無清波

瀾滄江

兩山高插雲巋然若天岸草樹綠相繆仰視天一線
中有一長江江流急於箭亂石齟其中噴激成飛霞
客子何問津鷄鳴夜將旦僕夫相顧愁丹楫恐失援

天明設此險永作邊城翰

贈楊寧征麓川

本朝楊士奇

楊生青雲客文采耀白碧腰間龍泉劍別我有遠識
吾聞禹徂征舞干致苗格所以宣尼訓服遠修文德
好謀而有成明明垂警飾如何才智士宏議薄古昔
懷忿忽遠圖急功幸苟得寧論萬里行糗糧預儲積
漢廷所遣將孰是趙充國子行職贊襄敏勉懋良畫
雖有斗酒錢安能寫胸臆

靈鷲山

五邱皆天竺塞種還身毒水伽毘黎山聳耆闍崛
峯似鷲鳥頭都臨恒河曲人享三百壽牛戴四尺角

叶漢武空指求歷代詎匪伏舍利傳釋迦花氏稱阿
育四裔遼防考萬里吳船錄可信亦可疑聊以紀殊
俗

過遂久縣

在金沙江東北古稱白
門蓋入雲南即之門也

唐 灣

百蠻亂南方郡盜如蝟起騷然疲中國征戰從此始
白門太和城來往一萬里去者無全生十人九人死
代馬卧南山燕兵哭瀘水妻去求死夫父行求子死
蒼天滿愁雲白骨積空壘哀哀雲南行十萬同已矣
仙樂臺

山廓朝雨餘青蕪連野路期與高人遊藍輿西北驚
蒼山亂雲間隱隱鐘聲度危塔出層霄金壇灑香霧

久厭冠簪累禪林時信步碁局傍晴軒茶烟穿竹樹
頗得靜者心安知白日暮常此坐觀空迷方倘能悟

大觀樓

我從哀牢來鳥譯連亭障一望標榆城宇宙何昭曠
瑤峯冠白雲金魚分玉浪岫虎川途暉濤路風烟向
豈美方壺遊可使天台讓玄聖心幽馮海若亦飈蕩
吾欲問山靈無言空罔象但覩巖壑間森森石門傍

登太華蘭若二首

郭文

夕陽滿秋山餘景落滇水捨舟事幽探路入泉聲裏
風傳隔樹鐘葉響登山履嗟我久紅塵遊賞從茲始

其二

抗策登危岡前顧路猶緬隔溪聞清磬興興飛雲遠
谷轉泉聲長苔深石逕軟行行入珠林塵累煩煩遣
太華秋曉詩贈無念

前人

我我華華峯孤倚青天表影落昆明寒氣吞金碧小
松杉積古翠溪谷鬱深窈泉鳴萬壑秋嵐霽千岩曉
中有青蓮宮軒然出林杪鐘梵遠悠揚天香時縹緲
緇素既駢臻神龍亦旋繞無著與天親於焉久歲寶
歛起慰與情傳未任斯道高據後覩床萬里入討論
坐令祇樹秋爽此春陽果山勢彌增崇湖光亦清渺
嗟予尚慕柰茲塵務擾擬效陶淵明相從此杖老

毛氏一門雙節詩

喬字

夫君萬里移家遠辭燕咏咏在襁褓一朝失所天
夫遠望莫及遮號空自憐忽死爲人後天心當禍先
喪殯脫簪珥布素辭朱鉛鬼季已弱冠荷戈元戎前
生孫甫養感罪命不泚延哭未還哭視幽恨徹重泉
冰藥同慰藉賴茲佳婦賢脫福天所錫相者兩筆顛
孤孫天諸子族望稱南漢伯也瑚璉器早以經學傳
置身青瑣闥簪笏欣蟬聯雖無旌門詔幸有太史編
煌煌映簡冊耿耿垂瑤鐫家祚固中厄名教仍照宣
餘慶光未已世澤方綿綿作詩播金石上嬖栢舟篇

謁三忠祠

夏言

朝出南城門望見城南祠含悽眺野田澆淚升堂基

棟宇何戕戕松栢森前墀言念二君子皎皎雙玉枝
聖啟初運孽胡滇據池銜命屬後先伏節死一時
義氣動犬羊英聲震邊陲

列聖眷明德憲臣繼陳詞褒揚錫異典紀述磨穹碑
余奉萬里役弭節乘虧洵吊往有深覺感今重遐思
道消仁義損俗降節聚戲洵濤蕩激中見此千仞崖
疾風轉蒿蓬勁草終弗移斯人久徂謝俎豆光陸離
榮名豈終極天枉奚足悲

英武關雨行二首

張佳胤

曉度英武關石徑雲中立山塢高樹鳴雷雨轉呼吸
平疇響流泉紫芝行可拾茲土况恒暢懽聲動寰宇

其二

喬松挺高清，垂烟骨行色。僕夫夙晨駕，促鴻渺南極。
山空響鷓鴣，徙倚巖洞黑。曠哉江上懷，浮雲起東北。

明月石

西南盛招提，定宰惟螺峯。捫蘿路詰屈，陟蹬臨蒼穹。
雲中仙梵響，大士殿益崇。山茶餐如錦，竹柏翠相籠。
久佳景已收，明月昇其東。秀出一片石，光彩照龍從。
賓主坐相酬，子夜曲未終。下方城郭近，歸騎且從容。

南華演詠

薛繼茂

山中有木，未無用。終天年，彼鴈不能鳴。殺之分所然。
將遊人間世，二者何居焉。材也與不材，且以相周旋。

其二

鷄雛北海未與鴈適相值鴈方得腐鼠伸而視之嚇
惡知彼鷄雛高翔南海翮所飲惟醴泉所食惟練實

其三

莊周夢蝴蝶蝴蝶夢莊周物化不能分而從濠上遊
儵魚出從容安知樂與憂濠梁人相語將無垂釣鉤

其四

鳧頸一何短鶴脰一何長試爲解續之能無兩成傷
吾才本鞅掌世俗那堪償願與蒲衣子乘雲以徜徉

其五

世途何多虞祗席猶生畏莊周辭大夫境內勿相累

惡好未能擊，竈竊心莫係。外滑故富消，養神貴純粹。
為不神者求，聞道昭履昧。擾擾橫目民，誰知戒乘毅。
其六

玄天秘真宰，化與萬物貸。蓬蓬北海風，顛指固無害。
尸居有龍見，慎內須閉外。布衣豈厭貧，移晷亦因介。
堯胡不釋然，宗膾在蓬艾。名于實爲賓，南伯莫肯賣。
蛇自動天機，無足更何礙。勿以謀勝人，義命安大戒。

天橋

鄧 渼

絕澗臨無極，飛梁跨在空。鞭非秦帝石，卧即美人虹。
鵲駕參差是，龜浮鼎鼎同。愁稱浪滔里，險過呂梁洪。
崖覆蔥龍雪，林號落淡風。似傳神禹蹟，秉掇到南中。

蘭津渡

卽蘭溪江

冒險戒征鞍行色委寒翠回旌引去旌迤邐內虛絕
峭壁倚雄峙長江貫彭漢虹梁跨飛動較宮審所寄
地維恐中陷日車側引避石古霜華明天寒岸陰閑
靜聞饑鶻嘯遽疑飛雨至客魂驚始定出光屢睺眈
南登蜀相祠英風此未墜

行部迤東西轡中雜述

荒戍依山岡草屋三兩家顏垣不障日茨棘勞相遮
蠟衣被空井雀麥寒自花蜘蛛網具戶織作交橫斜
呼主問何之停鞍重咨嗟西陸未息警頻年亂如麻
輸輓日夜勞軍吏橫見呵紅顏蓐泉壤白骨埋風沙

露布宣軍中再開後命加自靡封侯相茅土願何奢
前門錫鏐帶後門載檻車從來杜郵腸正爲殺戮多
道家固所忌

國憲將奈何

策馬登山椒下有古時丘淮莽翳縱橫雀聲鳴啾啾
井竈已蕪淡碑版尚可求夷俗每下拜行人爲涕流
惜問何代賢乃是鄉侯當行軍營軍營遺名至今留
攻心得上策南人戢狂謀板蕩英畧顯承平主習倫
武定既歸孽靡川未俘首癘癘尙足言搏俎無勝籌
桓桓介冑士坐胎巾幗羞憑軾想精靈徒此仰金猊
九原如可作微公誰興遊

荒墳何崔嵬悲見萬鬼隣山風吹白楊黯黯玄陰屯
南詔昔拒命此輩稱官軍主將旣失利十萬同崩奔
膏血殷川原遺骸縱橫陳惜哉掩骼義翻著逆節臣
至今風雨夕點點噓潛燐天寶刑政亂守令寄匪人
乾陀小鑿子激變良有因西南遂糜沸終唐不復振
可憐汧河戰談者為酸心近睹鳳酋事

國威猶見伸

朝登龍尾關俯眺盡秦區岡巒倚礎礪衆壑爭相趨
綰轂通四方當關在一夫時止僞命顯荒哉割劇圖
陵谷日夜遷大社化為墟牧豎登丘墳玄熊據穴呼
當時僭擬物毀斷無復餘西鄰盜金盜東市賣珠襦

銅休海漢宮黍離閔殷都萬乘有興廢何況於凶渠
大明御宇內解解際方隅校威攝不類文側焉足虞
申華僊勒銘存德慎所謨

晉國隨任會群盜奔相仍鄭人用世叔崔蒯始興兵
張敞月京兆赭衣無匿形董宣令洛陽抱鼓為不鳴
上治縣德威次乃厲剛校雖匪畫象理亦足銷姦萌
茲方本夷徵入類半俘俘其俗鮮耕織佩犢以為恒
漢網如牛毛誰能問遺氓長吏忍催科大豪恣吞併
內苦饑寒迫外則畏黷刑歟攫良有因浪駭轉相驚
豈無野廬氏封豕漸憑陵滋蔓既可憂芟夷亦當務
所在虞淵藪誰得問生名蒐慝有前訓敢忘惠文杆

漢法專督盜間遣直指行今代官制倍權公乃昆輕
白簡空報聞綠林何時平升谷徒虛言委責亦焉能
出自郭北門有隻泣路隅自言賈人子少小工廢居
北走邯鄲道南蒞歷勾吳貨絲布益饒并買盡膏腴
長子獄小吏次子業爲儒幼子獨無事跼踖竊蒲
齋貸偏貧人頗獲鄉曲譽鞍馬溢街巷出入閑且却
轉盼十載間人事有盈虛長子死虐璫告密橫見誅
前歲武定變次子復被屠幼子無警省門戶轉蕭疎
府帖召買金里胥迫相呼忍淚遣之行遠販豺虎區
經年絕還期瘦軀知在無公家有程限官法嚴追逼
朽老甘痛楚鞭撻無餘膚廢箸不足償歸賣婢與奴

羅紉昔盈箱今也婦無襦殘年復餘幾委骨終溝渠
語竟淚漱漱聞者亦歎歎藏金著古訓改玉欽金圖
德音沛早晚忍死且須臾

浩浩今古愁變化誰能度飛龍在九五麟鳳嗟百六
花朝揚太史竟死蕙山麓金雞日頌赦赭衣遂不復
儼外罕經籍五車皆其腰牢騷繹所寄丹鉛有遺錄
蒐緝良已勤紕漏亦何惡搗詞疑傷豔聊以消怨毒
片紙落蠻方一字縑一束七十仍荷戈苦遭悍驥屏
子雲終投閣鄒陽竟斃獄後來才彥繼厄運亦相屬
韶顏始入滇遺骸僅歸蜀三復垂柳篇餘音痛哀促
山茶花一百韻有序

滇茶甲海內種類之繁至七十有二其在省城內
外者尤佳予以庚戌歲按部事竣駐省候代時值
冬未春初此花盛開名園精舍間獲寓目爍日蒸
霞搗文布繡火齊四照雲錦成帷信天壤之奇觀
品物之鉅麗也昔人謂此花有七絕予以為未盡
厥美有十德焉色之豔而不妖一也樹之壽有經
二三百業者猶如新植二也枝幹高竦有四五丈
者大可合抱三也膚紋蒼潤黯若古雲氣臙墨四
也枝條黝糾狀似麀尾龍形可愛五也蟠根獸攫
輪囷離奇可憑可枕六也豐葉如幢森沉蒙茂七
也性耐霜雪四序常青有松柏操八也次第開放

近二月始謝每朵自開至落可歷旬餘九也折入
餅中水養十餘日不變半含者亦能開十也此皆
他花所不能全者因考唐人以前此花獨不經題
詠以僻遠故不通中土遂使奇姿豔質淪落無聞
近代有作率多不能爲此花傳神暇日因戲爲有
韻詩一首牽綴比擬未免兒態庶幾爲茲花吐氣
傳之四方或有採焉

徧檢古人句山茶未得名形容應有待品價也難輕
此地本炎德在天疑火精芳菲迎暮序爛熳及元正
宜壽如山木莊子經霜似女植柔條牽百丈老幹倚
孤撐美蔭團松蓋新筵怒竹萌重葩翻蔽葉歧蒂總

依莖接植人工巧

土人植茶法用兩樹相接花始繁盛

開花品物亨光

華分若木肌理細殷樞疊夢爭次露豐苞獨嚮明叢

深疑避蝶春淺未聞鶯次第開偏久交紛壓恐傾巨

於臻碧醖圓碧紫繁纓較綬交垂綵綃純乍染頰紀

膚時綻甲赤象合居庚

金按譜遺金谷

邀歡卽錦棚

流雲相點映射日更光晶筵啟紅羅纈餐分紫石英

摘鬢嫌斷線接葉愛連瓔覽德冠稱鳳能言吸屬鸚

火齊銜粉壁舍利倒金罍道士霞爲帔佳兒錦作綢

扶杖經纂組朶朶薦璣璵漠苑栽何得隋官翦不成

深宜藏翡翠絕欲眩鵝鵲

鵝鵲水則喜鵲火則憂步障寒

華薄氍毹展絳英影懸金較帶汗落錦斑駉似醖哩

丹竈爲霞燒赤城深玄同燕燕點血類猩猩繡羽懸
雕籠朱輝發短檠霜林搖翠葆海日浴金鉦錦水徐
翻浪喬雲不靈紅毳分綵索朱芾問蔥珩柳絮空

傷媚芝房詎足頡稱名根野苒奪色妬山櫻蓮或虛
泥汗葵空向日誠珠離酒泉柰蜜剖楚江萍質本堅

蒲柳香無取杜蘅道傍徒櫟李荏院枉栽荆卞可蘭
爲友誰言棣是兄續翻異紅藥憔悴惜朱羸菊名逾月

星堂落終朝惜薺榮古詩云薺榮不終朝詎稱霜挺桂賦天台山人桂

森挺以凌霖何事雨移橙用杜嘉種雖分部茲花合主盟

杜鵑殊不類二芳記以杜鵑花配山茶題鵲敢先鳴的皪披林影

菲微散曉晴後凋仍早放霧繞更煙紫闔娉空慚賤

金鳳

楊妃別有情

別種有楊妃山茶

寶珠光自溢
盤口韻猶

清枝愛垂絲
軟心憐卷瓣
生蝶翎看墜
粉鶴頂似銜

瓊

本品之貴者有寶珠盤口軟枝
分心卷瓣蝶翅粉鶴頂紅諸名

一種皆稱美
羣芳

孰與爭嬌姿
長似寤嬌質
更如寧露下
隄粧泣風前

舞態呈施朱
嫌太赤顧王
未辭醒倏似
顰容歛遙當

笑靨迎口脂
香澤傳眉黛
遠山橫合德
偕宜主娥皇

儷女嬃金人
疲應接有客
更屏營倚處
慚形穢看時

恐目盲

道德經云五色令人目盲

每當春澹蕩
及此歲崢嶸
節候

佳南詔繁華
匹上京深紅
間淺紫布谷
復彌陀擢本

深蘭若低枝
映閑閣紛敷
插繡野徒植
近雕甍竊慮

霜威八思將
夏屋幘窺垣
恒寂寂隔水
更盈盈早沐

維永賜偏宜素腕擎助嬌斜寶髻花耳當瓊瑩賞玩

須歌伎吹噓借墨卿招搖多伴侶感愴最聲嫵天女

尊分供國丁貴貴羸

每歲元日市賣此花供佛紅紫海目出時全結實

雙扶陟曉蟬婀娜隨烏帽飄飄墮兜龍鉢盤狼藉

車馬往來偵曉駐雲蓋宵移玉柱繁佳人理奴刺

貴客住千旌競倣巡花使寧辭醉酒鎗夷誕徵穆護

曲調擬清平舞袖淹同生纏頭貴從伶攀留思遠道

折贈付來伴不遇神農錄空留姚魏聲紅顏銷瘴癘

珍品失寰瀛安得移中土猶堪慰此行楚儻應見憤

楚客易心驚幾樹臨官舍三年慰旅程有時還獨倚

竟日但空澄盛極憂衰至憐深與恨并物華虛冉冉

此意自悻悻坐撫琴三弄閑消酒一盞眠須攜枕簟
狂或繞簷楹相當無知己餘酣對老無何心思北土
有眠後南征感處人十里吟當月五更未須怨搖落
終許伴幽貞暗覺鄉園近深嗟世網嬰結舍狀草木
桂海志虞衡逸史奇應續新詩暇自賡屬辭深比興
從此定佳評

和鄧傳綰遠遊山茶花百韵

樊鼎遇

絳樹珍炎域瓊華僻異鄉春隨青鳥報曉闌赤鳥旋
四照珊瑚葩千株秣路忙寶莖清露濯錦蒂媚風颺
著雨胭脂膩衝寒火齊芒梅花羞參儉挑渥謝嚴莊
隋苑虛雕彩揚園漫護香宣華貧競蜀碎錦陋移唐

帝樂丹砂盤神膏紫玉房宵鏡承夜燭畫憇龍朝桑
葉色嬌堪似酡顏睡更詳施唇塗上客啼頰誤鑿玉
馬雨飛蕪水蒸霞曳點蒼柔綠傷纖短疎壓爲顰黃
散恨裁紅葉離情濕茜棠血深悲杜帶粉淡泣何郎
赭喙報鸚鵡朱絃挑鳳凰同心文杏閣比翼繡雲廊
大小岑鼎映晶瑩日月彰蟠根千歲鐵刻葉百神觴
遠漢留金鎖居夷扁玉堂曉空終自照繡谷倩雲防
貴種甘幽處姝容詎苟將比紅欺代楚披畫冠閨嬌
南詔歲星莫西京日邈茫遭逢能歲十歌舞踏謠娘
蠻甕醕醴酒羌筵剪蠟紺辭枝恨有色落地寂無傷
卿更陪銅輦空憐薦寶坊正元如列貢玉會獎殊方

奇藻不登廟英姿獨倚牆觀妍須玉檻流色繁
猗猗幹可齊溫室花應壓建章龍旂揚大赤麟
紋盤斯皇朝射駕鸞殿午烘朱雀珩始深肥
婢寵柔讓婕妤良衛弄皆焦萎竈竈亦薰
狼綺苑腫火德艷簪發天陽早秀能雕
晚繁穠習故常且生妖冶謗翻以麗情妨
輦借官袍穩猩殷帝服昌公知宜闔苑誰
爲載車箱零落春風陌淒其秋水塘
群柯通漢使却竹得胡商外若移西土石
留畫海航何如全園色猶復滯窮荒
特闕王褒頌兼遺陸賈裝迷樓疎綺繚
良獄寢花網託社林非散畏門怨莫當
孫枝稍度嶺標格始浮漳不果柔條雪
駭驚殺菽霜悞迴珠樹影羞並玉臺傍

道賸寧疲險風塵未易藏生懷坡老處待得東坡詩云

我年來囊借得用修昂揚用修昂雲海雲珠雲海雲珠

初挂墨卿齒偏繁藉史勝埏絃佳品目良德齋森楊

纂組思工贍榮花論炳墮騫刊艱在芳潤滿竊囊

寫應真詩史看題酒狂神農曾百藥侯史續三倉

蘇蕙圖新寄班姬賦正倡錦工傳綺色天女薦燕疆

色藉繡衣重名因彩筆張上林方被幸此木下回慶

悔不誅毛譜應追戮許璫承明忻曄曄
浩霧感浪浪

鮮語揮姚魏當杯選趙梁畫裾聯五柞纈恰丘長擣

藥曉培文砌薰鑪惹綠洋小年催羯鼓歡歲燕猓錫

顯色禁中鶴分香園外狼何曾巢粉蝶更下生黃鶯

點綴走機石翮環華子岡樂遊承翠葆戀賞閑蒼琅
寥密舒緞甲爭駢控紫韁泉堆七寶髻本直百金償
茗價評鴻漸芳林敢驚行窻年來善闡鳳女嫁直咩
譜牒真龍虎要盟失大羊漸臺臨織室太液近天潢
繪寶先書姓文心欲漚立琰娥終入漢歸妹復寧湯
佩結紫鸞尾肌凝赤鴈肪纏頭學毳纈染面醉攢柳
齊贈懼陳敗蜀綃帝臺忘神還愁瘴癘親若急劄勦
燿火校歸魯絲絲投弔湘榮踰九錫蕙貞失萬年檀
獻壽椒花日迎恩桃李場無心欺衆卉獨契表孤芳
勒剡過千字停梭報七襄呈身裁繡段將信合珪璋
把摘蠶罽玩寇莢鳳沼望俯臨大北勝低遊小南強

華蓋臨天座榆球倚帝閭蘭臺鷺鼓歇花掖鯨鐘鏘
侍女香衾卷昭儀緋袖長朱纓趨劍佩卉服列苞筐
燮爛石渠側溫濃玉署廂鹿銜來博苑象踏過瀾滄
盡室逢知己惟流顧建康

代賦貢生獨牛偶占

袁茂英

豎荒盛菁莪桃李青琅玕大才况晚成霜雪飽所餐
枝葉詎剝落骨幹良堅完媿此代匠斷毋乃歌代檀
晨風從南來浮雲生波瀾陰雨忽開霽天啟人亦驩
閉門鈴柝靜展几書帙攤老蠶競抽絲氣衝側注冠
散步以退食庭除恣盤跚離離三桂樹下蔭芝與蘭
鮮槿寧朝榮古栢宜歲寒地勝消搖得接高象緯千

憑欄一以眺遠色紛圍攢漢唐殺氣盡西南地軸幡
人物易銷歇吾道長貞觀岩壑五華青浩蕩昆池寬
中有魚爲宿飛躍盈眉端俯仰僅一瞬日月如轉丸
斯哉金光景更進百尺竿逍遙在齊物槍榆卽鵬搏

呂合道中仙人骨

閃應雷

乾坤何茫茫萬古一飄忽側聞神仙傳住世永不沒
年誕頗見譏學者聞語歇每經呂合驛飢聞呂合說
兄弟志仙諦呂翁授真訣信者騰紫霄疑者枉嗚咽
誓將血肉軀于世救一切菴下失伊人山上露斯石
精光瑩如玉青肌理細白塗瘡信手愈命名仙人骨
年代凡幾更鋤鑿恣搜索周迴不逾夫生產未匱竭

吁嗟有心人天地任轉折飛升當何期寸心了不滅
世人畛域繁囊篋矜己物胸次峻垣墉膜外龜秦越
語及施濟事痛捐愛毛髮真人重度世盡付芥子擲
相期共覩破塵凡見超越

易龍驛

周仕國

爲吏不自繇雞鳴戒前途問君何爲爾將事謁且趨
上官前導至走馬臨長衢馬上亟咆哮風火不停驅
盡欲飽其腹遲則生禍虞昨日郵書至爲言餉傳通
疲卒八九家形影半凋枯門戶塞荆棘妻子匿菰蘆
苦稱被水旱畝地盡荒蕪僅餘皮骨在典鬻無完膚
詔使日夜至閭澤同春敷而我獨重困何以倫須臾

倉卒感斯言仰天長歛戲攬衣亟起去耳聞追呼
題揚賢婦刳股

王元翰

婦性秉坤順目罕接章篇相夫敦女則此理委道邊
嗟哉楊君婦婉孌復貞堅佐君贊黃堂緝緝守青氈
良人罹霜露百藥費烹煎澡身矢彼蒼刳臂血流鮮
舉案一杯薦醒醐落喉咽二豎遠逃遁精誠格重玄
豈不痛厥膚切恐失所天慷慨偷風俗斯人真足傳
詠山茶花

龍允升

滇南有嘉木貞幹吐華滋灼灼連冬春秀色不彫移
剪裁雲霞氣鑿落珊瑚枝空山結幽賞御苑寧後時
落陽多牡丹百種遜芳菲品題應自異造物若專奇

名高能避世所貴知者稀